

L'esplandida urbana qu'ei la resulta de batlèu quate decennias d'un urbanisme de zonatge qui a privilegiat la reglementacion au par deu projècte urban. Aqueth mòde de desenvolopament qu'a banalizat los nostes paisatges e qu'a condemnat las extensions de las nostas vilas e deus nostes vilatges dab zònas residenciaus, zònas comerciaus, zònas d'activitats en demiei periurban mes tanben d'ua faïçon mei esbarrisclada en demiei rurai.

Uei lo dia, aqueth « eretatge » que hè question : lo periurban, mes tanben las periferias de vilatges enqüèra ruraus e pòden evoluïr de plan entà respóner aus enjòcs societaus e environamentaus deu noste temps atau com a las hamis deus poblants ? Quin urbanizar uei lo dia ?

En aqueth contèxte, quin incitar las comunas a mestrejar mei plan lo lor desenvolopament e engatjà's cap a operacions d'abitat de qualitat ?

- ◆ Lo CAUE 64, dab lo Conselh generau deus Pirenèus Atlantics que perpausa, en l'encastre de l'Agenda 21 deu Departament, la presentacion de la mostra :

« Abitar shens esplandí's »

deu 6 dinc au 21 de mai 2014 a l'Ostau deu Departament de Pau,
puish deu 22 de mai dinc au 6 de junh e la Delegacion deu Conselh generau,
Casèrna de la Niva de Baiona.

Entrada liba de 9h30 dinc a 17h00

Aquera mostra qu'estó concebuda e realizada pèu CAUE d'Eraut dab lo Conselh generau d'Eraut e lo sostien financer de la DRAC Lengadòc-Rosselhon.

Organizada en 6 sequéncias, que perpausa ua introduccion a l'esplandida urbana, a las formas urbanas, a las pagèras de territòris e de projèctes qui s'i estacan, nocions d'agergament qui van de l'espaci public a l'espaci privatiu de la maison. Enfin, entà acabar, que muisha quauques projèctes novators hèits o a hà's qui responen aus enjòcs urbans actuaus.

